



KATILINGBAN

Ang opisyal nga pamantalaan sa Basic Ecclesial Communities (BEC) sa parokya sa Naval

Vol 1, No. 3

website: www.geocities.com/navaldiocese

Oktubre 2004



Msgr. Filomeno G. Bactol

Mensahe

“Adlaw – adlaw kang Maria, ang pagdayeg kantahon ta!”

Ang bulan sa Oktubre mao ang bulan sa Santos nga Rosaryo. Pagabuhaton na usab nato ang maanindot nato nga debosyon sa pag-ampo sa Santos nga Rosaryo pinagi sa Aurora (dawn rosary).

Kini atong buhaton aron paghatag ug dungog sa pagkatawo, pagsakit, pagkamatay ug pagkabanhaw – mga buhat sa kaluwasan - sa atong Ginoo pinaagi sa kasinatian sa Mahal nga Birhen Maria nga maoy unang nahatagan sa maong kaluwasan.

Isip atong Inahan sa Pagtuo, nagasunod gayud kita kang Maria. Mao bitaw nga ang atong BEC selda prayer meeting matag semana kanunay pagasugdan ug pag-ampo sa rosaryo aron pag-ila sa kaanindot sa gugma ni Maria alang kanatong tanan. Maanindot kini nga gugma tungod kay kinsa kadtong naghupot niini pagadad-on ngadto sa mga bukton sa iyang anak nga si Hesus.

Dili sulagma nga ang atong patrona dinhi sa parokya sa Naval mao ang Mahal nga Birhen Maria sa Santos nga Pagrosaryo. Dili usab sulagma nga ang iyang kapistahan gisaulog dinhi sa atong parokya matag una nga Domingo sa bulan sa Oktubre. Hinaut pa unta nga kini magdasig kanato sa dugang pang pagpanlimbasug alang sa padayon nga gimbuhaton sa pagbag-o sa atong kaugalingon ug sa atong mga kasilinganan. Hinaut pa usab unta nga ang gugma sa Mahal nga Birhen Maria pinaagi sa Santos nga Rosaryo magbugkos kanato isip katilingban nga nahiusa diha ni Kristo ug magdala kanato ngadto sa katumanan sa panuyo sa Simbahan sa pagbag-o (*renewal*) diha sa BEC.

Ang Ginoo maanaa kaninyo kanunay uban sa panalangin sa Mahal nga Birhen sa Santos nga Rosaryo.

“Uban sa arkanghel Gabriel, Ave maghimaya ka!”

Bishop FILOMENO G. BACTOL, D.D.
ug mga Kaparian sa Naval



Pamalandong sa EBANGHELYO

October 3, 2004 – 27th nga Domingo

Mga pagbasa: Hab.1:2-3, 2:2-4 / 2 Tim1:6-8, 13-14

Ebanghelyo : Lukas 17:5-10

Sama sa mga tinun-an, moadto kita kang Jesus ug miingon, “Dungagi ang Among pagtuo!” Tukma kaayo ang ilang tag-an nga ang pagtuo, una sa tanan, usa ka gasa, usa ka grasya. Walay si bisan kinsa nga makapalit ni makakab-ot niini. Ang atong mahimo mao ang pagpangaliyupo sa Ginoo Kay siya mao man ang gasa ug ang tighatag sa gasa.

Agig tubag sa hangyo sa mga tinun-an gipanig-ingon ni Jesus ang pagtuo sama’g usa ka gamay’ng liso nga mosangpot ngadto sa unsay imposible.kon buot nimo kining pamatud-an, tan-awa lang ang kinabuhi ni San Pablo kay naghulagway man kini mahitungod niining maong matang sa pagtuo. Alang kang San Pablo, ang pagtuo mao ang iyang dili takos nga pag-ambit sa mismong kinabuhi sa nabanhawng Ginoo. Dili siya takos alang niini Tungod kay gasa man kini. Mao gani nga nakaingon siya, “Alang kanako ang kinabuhi mao si Cristo” (Filipos 1:21). Ang kinatibuk-an niyang pagkatawo, ang iyang lawas, hunahuna ug kasingkasing gisakmit, Gibag-o ug gibayaw sa paagi nga makahimo na siya pagpuyo sa gingharian sa Dios bisan ania pa siya dinhi sa kalibutan.

PAMALANDONG

Isip miembro diha sa Selda ingon ba usab niini ang kadako sa imong Pagtuo ?

“BEC: Katilingban sa Managsilingan nga nabuhi sa Eukaristiya uban sa Mahal nga Birhen Maria.”

October 10, 2004, 28th nga Domingo
 Mga Pagbasa: 2 Hari 5:14-17 / 2 Tim 2:8-13
 Ebanghelyo : Lk. 17:11-19

October 17, 2004, 29th nga Domingo
 Mga Pagbasa: Ex. 17: 8-13 / 2 Tim. 3:14-4:2
 Ebanghelyo : Lk. 18:1-8

Sa Ebanghelyo, nabasa ta nga dihay napulo ka sanlahon nga giayo ni Hesus. Sa napulo ka sanlahon, usa ra ang mibalik kang Hesus aron pagpasalamat kaniya. Ang siyam wala na mahinumdom sa Ginoo.

Ang atong kinabuhi puno sa mga panalangin sa Dios, ug ang Dios wala gayud magkulang niini. Ang pinakadako Niya nga gasa mao ang atong kinabuhi. Ug kay Iya man kini nga kinabuhi, angayan lamang usab nga Iya kining suportahan sa mga grasya nga atong gikinahanglan: ang hangin, maayong panglawas, mga makaon, panginabuhian, ug uban pa. Walay hunong ang kaayo sa Ginoo kanato. Isip kristohanon, ang atong tubag unta niining kaayo sa Ginoo mao ang atong walay hunong usab nga pagpasalamat Kaniya ug pag-ila sa Iyang pagkamanggi hatagon.

PAMALANDONG:

Mapasalamaton ka ba sa Dios sa mga grasya nga imong nadawat? Unsa man ang imong mga grasya nga nadawat sa karon nga semana? Nakapasalamat ka ba sa Dios niini? Ginaingon nga ang kasingkasing nga mapasalamaton gaan nga motabang sa kinahanglan sa uban. Tinuod ba kini sa imong kinabuhi? Nagmatinabangon ka ba ilabi na sa imong mga ka-selda?

"Kon daugdaugon mo ang kabos giinsulto mo ang Dios nga nagbuhat kaniya, apan ang pagpakitag kaluoy sa mga kabos maoy pagsimba sa Dios" (Panultihon14:29)

Sa Ebanghelyo, nabasa ta ang istroya sa usa ka biyuda nga nangayo ug tabang sa usa ka huwes. Sa sinugdan wala tagda sa huwes and biyuda. Apan wala kawad-i ug paglaum ang biyuda. Hinuon, nagbalikbalik siya sa huwes sa paghangyo nga tabangan siya sa iyang kaso, hangtud nga mitabang gayud ang huwes dili tungod kay gusto niya kundili tungod kay mapailubon ug nagmakanunayon man ang biyuda.

Ang pag-ampo sa Dios mao ang usa nga timailhan nga kita miila sa iyang pagkagamhanan ug pagkadungganan. Siya ang tinubdan sa tanan ug nasayud siya sa atong mga panginahanglan. Mao bitaw nga kinahanglan mag-ampo kita ug mangayo gayud kita Kaniya bisan nakasabut na Siya sa atong mga gikinahanglan aron pagpakita sa atong pag-ila sa Iyang pagkagamhanan ug paghatag ug dungog sa Iyang pagka-Ginoo.

Apan kinahanglan nga nagmakanunayon kita sa atong pag-ampo, dili lang sa mga panahon nga aduna kitay pangayuon kundili sa tanan gayud nga higayon, tungod kay ang Ginoo makanunayon usab sa Iyang pagkamaayo kanato ug dili gayud Siya mausab.

PAMALANDONG:

Kung ang mapailubon ug makanunayon nga pag-ampo naghatag ug dungog sa Ginoo, nan nagmakanunayon ug nagmapailubon ka ba sa imong pag-ampo? Nagmakanunayon ug nagmapailubon ka ba sa imong pag-ampo diha sa imong "gamay nga simbahan" nga mao ang BEC selda?



KATILINGBAN
 Ang akapul nga naitalakian sa Basik Espiritual Community (BEC) sa parokya sa Masak

TEAM MINISTRY

Team Moderator: Bishop Filomeno G. Bactol, D.D.
Team Members: Fr. Marvyn A. Maceda
 Fr. Benjamin C. Pantas
 Fr. Jesus G. Ty
 Fr. Kenneth Hendricks
 Fr. Dario Bebillo

Editors:

Alfredo Paghubasan
 Jonnel Quilaneta

Writers/Researchers:

Salvador Castro Reymund Icaín
 Ramises Bongabong Linda Roldan
 Doxia Canonoy Necitas Casado
 Catalina Machete Gualberto Tonelete

Encoders:

Vinna Sabroso Sonia Pitao
 Josephine Romero

Circulation Managers:

Jorge Manco
 Danny Jayubo
 Jonnel Quilaneta
 Alfredo Olaer

Business Managers:

Rizalito V. Curso
 Conchita Calvez

Computer Specialist

Oscar O. Borrinaga

October 24, 2004, 30th nga Domingo
Mga Pagbasa: Sir 35:12-14.16-18 / 2 Tim. 4:6-8.16-18
Ebanghelyo : Lk. 18:9-14

Sa Ebanghelyo, nabasa ta ang Pariseo ug Kubrador sa Buhis nga nag-ampo sa templo. Ang Pariseo mapahitas-on ug hambugiro, samtang ang kubrador sa buhis mapaubsanon ug mahinulsulon. Sa duha, ang gikahimut-an sa Dios mao ang kubrador sa buhis.

Ang usa ka kristiyanos nga moangkon nga wala siya'y sala sama sa gibuhit sa Pariseo bakakon. Nagpakita lamang kini sa dako niyang garbo. Tungod lamang ba kay wala kitay kaaway, wala kita mangawat, wala kita magpasakit sa uban, pirme kita mosingba, wala na kita'y sala? Kung wala kitay sala, nan wala na diay kita magkinahanglan sa Dios? Mao kini ang gikasilagan sa Dios sa Pariseo: ang Pariseo wala na magkinahanglan sa Dios tungod kay mapasigarbohon naman niyang gihalad ang iyang perpekto nga kaugalingon sa Dios. Sa iyang gibuhit, gipakasama niya ang iyang kaugalingon nga dios usab.

PAMALANDONG:

Unsa man ang pagkakristiyanos alang kanimo? Usa ba kini ka klase sa kinabuhi nga pulos lamang pagtuman sa Balaud, nga kung matuman nimo ang mga balaud mahatagan na ikaw sa kaluwasan? O ang pagkakristiyanos usa ba ka klase sa kinabuhi sa paghigugma subay sa kinabuhi ni Kristo diin ang mga balaud giya lamang alang sa pag-angkon sa kinabuhing mahigugmaon?



Katilingbang malipayon, katilingbang matahom: *Ang BEC sa sityo Rosales diha sa ilang pagtuon sa senimanang bulohaton nga "prayer session".*

Sa imong pag-attend sa selda prayer meeting kada semana, giisip mo ba kini nga pagtuman sa balaud? O giisip mo ba kini nga buhat sa paghigugma?

October 31, 2004, 31st nga Domingo
Mga Pagbasa: Wis 11:22-12:1 / 2 Thes. 1:11-2:2
Ebanghelyo : Lk. 19:1-10

Nabasa ta sa Ebanghelyo ang istorya ni Sakeo. Duduha ka butang ang atong mamatikdan diha kang Sakeo: una, wala igsapayan ni Sakeo nga mubo siya. Imbes nga magbagutbot siya tungod sa iyang pagkamubo, nangita hinuon siya ug paagi nga makakita kang Hesus, ug ang kahoy nga sikomoro maoy naghatag kaniya sa iyang gipangandoy. Ikaduha, wala igsapayan ni Sakeo kung maibanan ang iyang kadatuan makahatag lamang siya sa mga kabos ug makabayad siya "kaupat ka pilo" sa mga nalimbungan niya. Niiing paagiha lamang siya mamahimong dato atubangan sa Dios.

Ang tinuod nga pakighiuli (*reconciliation*) sa Dios ug sa isigkatawo naglambigit usab ug duduha ka butang: Una, ang pag-angkon sa atong pagkamubo, pagkakulang, pagkamakasala atubangan sa Ginoo. Ug sa dalan pabalik sa Dios, daghang mga kahoy nga sikomoro ang giandam sa Ginoo alang kanato aron matabangan kita pagpakigkita sa Ginoo. Ikaduha, ang pag-uli sa mga napasakitan / nalimbungan nato balik kanila sa bayad sa atong pagsakit / pagpanlimbong sa "makaupat ka pilo" (buot ipasabot sa kinasingkasing gayud).

PAMALANDONG:

Giangkok ba nimo sa kinasingkasing gayud ang imong pagkamakasala? Unsa ang mga "sikomoro" (butang, lugar, kasinatian, o tawo) sa imong kinabuhi nga gihatag sa Ginoo kanimo aron magiyahan ka balik Kaniya? Imo bang gibayaran ug iksakto ang imong mga napasakitan / nalimbungan? Diha sa BEC selda, gitan-aw ba nimo nga mga sikomoro ang imong mga kauban sa selda?

"Ang tawong dali rang masuko dali rang masayop, ang tawong maalamon mapailobon." (Panultihon 14:17)

BEC Fellowship Night

Adunay pagabuhaton nga BEC Fellowship Night ang parokya sa Naval karong umaabot nga Oktubre 1, 2004 isip halad kapistahan sa Mahal nga Birhen Maria sa Santos nga Pagrosaryo.

Ang “highlight” sa maong panagtigum mao ang pagpili ug pagkorona sa mahimo nga BEC Queen 2004. Ang pagpili paga buhaton pinaagi sa pagsayaw ug “Curacha”. Gibahin ngadto sa lima ka grupo o “Cluster” ang parokya nga gilangkuban sa musonod: Cluster 1: (Sto. Niño, Carayacaray, San Pablo, Cabungaan, Villa Caneja); Cluster 2: (Borac, Anislagan, Catmon, Haguikhican, Libtong); Cluster 3: (Calumpang, Larrazabal, Talustusan); Cluster 4: (Atipolo, Agpangi, Sabang); Cluster 5: (Naval Poblacion).

Diha sa usa ka panagtigom nga gibuhat sa mga BEC presidents ug mga selda alagad niadtong buntag sa Septiembre 26, ilang gisabutan ug giuyunan ang ilang mahimong kandidata ug ang mahimong paris sa pagsayaw sa kuratsa. Kini mao sila: Sis. Rosita Maranga ug Bro. Teofilo Leones (Cluster 1); Sis. Grace Morales ug Nolasco Tumabiao (Cluster 2); Sis. Felecitas Pitao ug Hipolito Borlaza (Cluster 3); Sis. Thelma Castin ug Librado Macapinig (Cluster 4); Sis. Crisantima Pastor ug Rosarito Sabonsolin (Cluster 5).


2 ka BEC natukod sa parokya sa Naval

Nanumpa sa ilang katungdanan ang mga napili nga mga opisyaes sa BEC-Upper Ilaya niadtong Septiembre 18, 2004. Kini human makatambong sa gihimo nga Basic Ecclesial Communities - Basic Orientation Seminar (BEC-BOS) sa Brgy. P.I. Garcia niadtong September 11-17, 2004. Ang pagpanumpa gibuhat sa atubangan ni Fr. Marvyn Maceda ug gisaksihan sa mga miembro sa Parish Formation Team.

Ang napili nga presidente mao si Sis. Norma Enguito.

Samtang gibuhat usab ang BEC-BOS sa Brgy. Smo. Rosario (Baybay) niadtong September 13-18, 2004. Ang ilang graduation ug pagpapanumpa sa katungdanan gihimo niadtong September 19, 2004. Ang ilang napili isip tagdumala mao si Dr. Juan Pastor.

Mokabat na sa 47 ka BECs ang natukod sa parokya sa Naval.



Ang pag Kiay-kiay sa lawas ug tuyhod-tuyhod sa tuhod nga gipangunahan sa grupong YOFRA. Atol kini sa kapistahan sa Mahal nga Birhen Maria sa Santos nga Rosaryo diin gihimo usab ang unang dakong panagtigom sa mga BEC ug Chapel communities sa milabay nga tuig 2003.

Skills Training sa mga PFTs

Gibuhat ang usa ka BEC Facilitors' Skills Training for Parish Formation Teams (PFTs) niadtong milabay nga Septiembre 3-5, 2004. Ang maong kalihukan gitambongan sa 22 ka mga miembro sa PFTs; 15 niini gikan sa parokya sa Naval ug 7 gikan sa Lucso-on. Didto kini himoa sa Session Hall sa Naval Catholic Cemetery.

Ang maong kalihukan nahimo nga malamposon ug mabungahon pinaagi sa mga nagpasiugda nila: Rev. Fr. Manuel Salarda, Sis. Erlinda Lanigao (BEC Diocesan Coordinator), Sis. Belma Gayrama, Bro. Alfredo Paghubasan, Mennen Gaviola ug Juvy Polido isip mga secretariat.



TANGING YAMAN

Koro:

Ikaw ang aking
Tanging yaman,
Na di lubusang
Masumpungan.
Ang nilikha Mong kariktan,
Sulyap ng 'Yong kagandahan.

Ika'y hanap sa t'wina,
nitong pusong ikaw
lamang ang saya
Sa ganda ng umaga,
nangungulila sa 'Yo, sinta.
(Koro)

Ika'y hanap sa t'wina
Sa kapwa ko kita
tanging nadarama
Sa Iyong mga likha,
Hangad pa ring masdan
Ang 'Yong mukha.
(Koro)

SINO AKO

I
Hiram sa Dios
Ang aking buhay
Ikaw at ako'y tanging
Handog lamang
Di ko ninais na ako'y isilang
Ngunit salamat
Dahil may buhay

II
Ligaya ko na ako'y isilang
Pagkat tao
ay mayroong dangal
Sinon'g may pag-ibig,
Sino'ng nagmamahal?
Kundi ang tao,
Diyos ang pinagmulan.

III
Kung di ako umibig,
Kung di ko man
bigyang-halaga:
Ang buhay kong handog,
Ang buhay kong
hiram sa Diyos
Kung di ako nagmamahal,
Sino ako?
(Repeat III)

SA 'YO LAMANG

I
Puso ko'y binihag mo,
Sa tamis ng pagsuyo
Tanggapin yaring alay;
Ako'y iyo habang buhay
II
Anhin pa ang kayamanan?
Luhong at karangalan?
Kung ika'y mapasa'kin,
Lahat na nga ay kakamtin

KORO:
Sa 'Yo lamang ang puso ko,
Sa 'Yo lamang ang buhay ko;
Kalinisan, pagdaralita, pagtalima,
Aking sumpa
III
Tangan kong kalooban,
Sa iyo'y nilalaan
Dahil atas nga pagsuyo,
Tumalima lamang sa 'Yo
(Koro)

Koda:
Sa 'Yo lamang ang puso ko,
Sa 'Yo lamang ang buhay ko:
Kalinisan, pagdaralita,
Pagtalima, aking sumpa.

Maestra: Unsa ma'y in-English
sa lapis?

Teroy: Ma'am, Mongol!
*Ang maestra mura ug nasuko sa
sayop nga tubag*

Maestra: Sige. Unsa man pod ang
in-English sa napungag nga
lapis?

Teroy: Mongoloid, Ma'am!

Doktor: Unsa ma'y sakit nimo?

Tawo: Usipnat.

Doktor: Unsa man na?

Tawo: Ubo, sip-on ug hilanat.

Doktor: O, sige, pagpalit ug
Susmaryosep.

Tawo: Unsa man pod na?

Doktor: Sumapen, Myracof,
ug Neozep!

Gitik-gitik sa Kinabuhi

(Gikuha sa internet sa website:
Hometown Naval)



LIFE SENTENCE

*Usa ka ahente sa Insurance nakig-
istorya sa iyang kleyente*

Lalaki: Pananglitan, mokuha ko ug
life insurance para sa akong
asawa karon, unya
mamatay siya ugma, unsa
may akong makuha?

Ahente: Seguro ang makuha
nimo...life sentence.

HAYBLAD

Pare 1: Unsa? Buwagan nimo
ang imong asawa tungod
lang kay high blood ka?

Pare 2: Oo, P're, nag-ingon man
gud ang akong doktor nga
kinahanglan likayan nako
ang tambok.

Anak: 'Tay, unsa ma'y in-English sa
kahoy?

Tatay: Kasayon, di "wood"!

Anak: Ingon among titser, "tree"
man kuno.

Tatay: Aw, kana kung tulo ka
buok!"

Mga pagtuluna-an luyo sa
SUGILANON

Usa ka bag-ong anghel gisuroy ni San Pedro didto sa langit. Nahiagi sila sa usa ka opisina nga may karatula nga RECEIVING DEPARTMENT ug namatikdan sa bag-ong anghel nga busy pag-ayo ang mga anghel nga nakapwesto didto. *“Unsa man kini nga opisina nga busy man ang mga anghel nga nakapwesto dinhi?”* nangutana siya kang San Pedro. Si San Pedro mitubag: *“Kini nga opisina mao ang tigdawat sa mga pag-ampo sa mga tawo sa kalibutan nga nangayo ug mga grasya. Tungod sa pagkadaghan sa gipangayo sa mga tawo – milyong milyong adlaw adlaw – mao nga ang mga anghel nga modawat niini busy usab pag-classify niini.”*

Nagpadayon sila sa paglakaw ug sa unahan miagi na usab sila sa usa ka opisina nga may karatula nga PACKAGING & SENDING DEPARTMENT. Busy gihapon ang mga anghel nga naka-assign didto. Nangutana na usab ang anghel kung unsa kadto nga opisina ug si San Pedro mitubag: *“Mao kini ang opisina diin ang mga grasya nga gitugot sa Dios nga ihatag sa mga tawo isulod sa mga karton ug butangan sa address aron ipadala ngadto sa yuta. Tungod sa pagkadaghan sa mga grasya nga ihatag sa Ginoo – bilyon bilyon adlaw adlaw – nagkapuliki gayud ang mga anghel nga na-assign dinhi.”*

Nagpadayon sila sa paglakaw ug sa unahan nakita sa anghel ang usa ka opisina nga may karatula nga THANKSGIVING DEPARTMENT. Dihay usa ka anghel nga nagbantay sa sulod ug tungod kay halos wala may gibuhay, nahikatulog kini. Ang anghel nangutana kang San Pedro kung unsa kini nga opisina ug si San Pedro mitubag nga masulub-on: *“Mao kini ang opisina diin dawaton ang mga pasalamat sa mga tawo nga nakadawat sa mga grasya sa Dios. Nahikatulog na lamang ang anghel nga nagbantay niini tungod kay gamay ra man ang magpasalamat.”*

PAGTULUN-AN:

Mapasalamaton ka ba sa mga grasya nga gihatag kanimo sa Dios?

B E C B u l l e t i n

October 1, 2004 (Friday)
BEC Fellowship Night
Venue: CSN Sports Center

October 3, 2004 (Sunday)
Grand Parish BEC Fellowship
Venue: Cathedral

October 16, 2004 (Saturday)
Monthly BEC President & Alagad
Fellowship-Meeting
Venue: San Pablo Chapel

October 17, 2004 (Sunday)
Monthly BEC President & Alagad
Fellowship-Meeting
Venue: Upper Ilaya Basketball Court
Host BEC: Romblon/Butay

=====

BEC Anniversary
Month of October

October 9 - Ilawod, Caraycaray
October 12 - Sitio Anas, Agpangi
October 25 - Upper Biga-a
October 27 - Lower Calumpang

FIESTA ACTIVITIES

October 3, 2004, Sunday
Feast Day (Our Lady of the Holy Rosary)

8:00 A.M.- Arrival of all BEC & Chapel Communities

9:00 A.M.- Fiesta Pontifical Mass

Celebrant:

Most Rev. FILOMENO G. BACTOL, D.D.

Concelebrants: Clergy of Naval /

Visiting Clergy

Choir: Parish Choir / SFC

12:00 N.N.- AGAPE

- Parish Fellowship of All BEC &
Chapel Communities

4:00 P.M.- Mass

5:00 P.M. - Procession of the Miraculous Image of
Our Lady of the Holy Rosary

- Salve

- Final Blessing